

石刻史料叢書  
乙編之一

集

古

錄



五



原刻景印  
石刻史料叢書



藝文印書館印行

石刻史料叢書乙編之一  
集 古 錄  
(五)



跋尾  
宋歐陽修撰  
目

宋歐陽棐撰  
清繆荃孫校輯

集古錄目卷五

宋廬陵歐陽棐撰

賜進士出身翰林院編修 國史館纂修江陰繆荃孫校輯

唐

長壽寺舍利碑

隸書不著書撰人名氏隋文帝仁壽中內出舍利寘于三河郡之長壽道場藏以金棺石函唐初詔選名僧三十人居之齊王元吉造丈八大像於寺中碑以武德六年五月立

寶刻叢編

周黃羅刹碑

秦王府學士虞世南撰不著書人名氏羅刹東郡胙縣人周末尉遲迴兵起羅刹聚眾擊之授行軍總管碑以武德八年

十月立

寶刻叢編

靈仙寺碑

秦王府記室參軍薛收撰國子書學博士缺鳳卿書寺在西

嶽沙門妙達所建碑以貞觀元年立

寶刻叢編

等慈寺碑

祕書少監顏師古奉勅撰不著書人名氏初太宗東伐王世充竇建德來救破之於汜水及卽位有詔嘗破敵之處皆建寺以爲戰死者資福此其一也碑以貞觀二年立

寶刻叢編

大理卿郎穎碑

中書侍郎李百藥撰前驃騎大將軍宋才書穎字楚之歷任隋唐至大理卿柱國恆山公致仕諡曰平碑以貞觀五年十月立在眞定府北郎氏墓林中

寶刻叢編



平公官屬題名

不著書人名氏平公穎也凡柱國府僚佐故吏長史司馬掾  
屬參軍曲陽令恆山公府國官國令大農常侍侍郎國尉典  
尉舍人城局廟長學官長食官長丞廐牧長丞典府長丞親  
事百三十餘人在穎碑陰

寶刻叢編

隋尚書左丞郎茂碑

宗正卿李百藥撰幽州人張師邱書平公穎孫餘令題額茂  
字蔚之常山新市人穎弟也仕隋至太常上卿尚書左丞終  
於廬陵太守碑以貞觀五年十一月立在郎氏墓林中

寶刻叢編

黃君漢碑

東宮左庶子李百藥撰不著書人名氏君漢字景雲東郡胙

縣人羅刹之子官至夔州都督封號國公碑以貞觀六年立

寶刻  
叢編

無量壽佛大像碑

不著書撰人名氏興國寺沙門道宗造無量壽佛大像未成而卒其徒智常成之貞觀十年同州刺史隴西王博文爲立

此碑

寶刻  
叢編

右僕射溫彥博碑

中書侍郎岑文本撰弘文館學士歐陽詢書虞公名彥博字

大臨太原人太宗時官至尚書右僕射封虞國公諡曰恭碑

以貞觀十一年立

寶刻  
叢編

益州長史郭福善碑



碑首殘缺不見書撰人名氏福善字福善太原晉陽人唐初  
官至益州都督府長史諡曰愼碑以貞觀十二年立

寶刻  
叢編

### 太平觀主王遠知碑

道士江昱撰法主弟子徐頌隸書法主名遠知字德廣瑯琊  
臨沂人有盛名於隋唐閒太宗建太平宮於茅山以處之碑

以貞觀十六年立在茅山

寶刻  
叢編

### 贈司空魏鄭公碑

太宗御製并書徵字玄成鉅鹿曲陽人官至太子太師贈司  
空諡曰文貞碑以貞觀十七年正月立

寶刻  
叢編

### 高士廉瑩兆記

衛尉卿許敬宗撰趙謨書士廉名儉以字行渤海蓀人官至

尚書右僕射申國公贈司徒諡曰文獻碑以貞觀二十一年

立寶刻叢編

贈太常卿孔穎達碑

太子左庶子于志（寶）撰不著書人名氏穎達字沖遠冀州衡

水人官至太子右庶子國子監祭酒封曲阜公諡曰憲碑以

貞觀二十二年立（寶）  
叢編

改葬陳慧湛墓志

不著書撰人名氏慧湛字彥沈涿郡范陽人仕陳至南平王

諮議參軍至唐改葬志以貞觀二十三年刻（寶）  
叢編

周唐瑾碑

于志（寶）撰歐陽詢正書瑾以後周天和四年薨唐貞觀中其

孫皎爲立此碑

寶刻叢編

昭仁寺碑

諫議大夫朱子奢撰不著書人名氏及立石年月太宗卽位其平生戰伐之地皆立寺爲戰死者祈福昭仁寺者嘗破薛舉處也

寶刻叢編

楚哀王稚詮碑

給事中歐陽詢撰并八分書王名稚詮字集弘高祖之子也隋大業末高祖兵起於太原王在京師見殺高祖輔政追封楚公諡曰哀武德初進爵爲王碑不著所立年月歐陽公時

爲給事中

寶刻叢編

褚亮碑

八分書書撰人名氏皆缺亮字希明河南陽翟人

案新史作杭州錢塘

人歷仕陳隋至唐終散騎常侍弘文館學士贈太常卿諡曰

康碑以貞觀中立

寶刻叢編案亮遂良父也金石錄作高宗時立爲是

贈太尉房元齡碑

碑缺不見書撰人名氏考其字畫褚遂良書也元齡字喬清

河人唐初官至司空封梁國公贈太尉諡曰文昭碑以貞觀

中立碑缺不見年月

寶刻叢編案金石錄高宗時立

隋弘義明公皇甫誕碑

太子左庶子于志寧撰歐陽詢書誕字玄憲安定朝邨人隋

文帝末年爲并州總管府長史漢王諒反誕不從見殺追贈

柱國封弘義公諡曰明

寶刻叢編案金石錄唐貞觀中立

隋段文振碑

處士潘徽撰歐陽詢八分書文振字元起隴西姑臧人仕隋至兵部尚書封龍岡郡公贈右僕射諡曰襄碑不著所立年

月寶刻叢編案金石錄貞觀中立

贈并州都督豆盧寬碑

門下侍郎李義府撰不著書人名氏寬字缺一恕位至光祿

大夫封芮國公贈并州都督諡曰定碑以永徽中立在昭陵

寶刻叢編

三藏聖教序記

太宗御製序高宗御製記中書令褚遂良書永徽四年十月刻又有一本在同州者序記同爲一石字畫並同而刻石在

此本後十年疑模本也

寶刻叢編

### 太常卿薛收碑

于志（蓋）撰書人不著名氏收字伯襄蒲州汾陰人官至天策府記室太常卿定州刺史諡曰獻碑多漫滅者志（蓋）官爵及收之鄉里葬之年月皆不可見

寶刻叢編案金石錄永徽六年八月立

### 魏州刺史王波利碑

不著書撰人名氏忠公姓王名濤字波利越雋邛部人仕唐爲內給事官至魏州刺史封眞定縣公諡曰忠碑以永徽中

立

寶刻叢編

### 太子少師崔敦禮碑

尚書左僕射于志（蓋）撰志（蓋）子太常少卿立政書敦禮博陵

人官至太子少師侍中中書令封固安縣公諡曰昭據唐書  
敦禮字安上而此碑曰君諱安上字敦禮又曰本名元禮武  
德二年勅改爲敦禮前後自相乖誤當以敦禮爲正碑以顯  
慶元年十月立

寶刻  
叢編

隋遂寧郡公楊達碑

不著書撰人名氏遂寧郡公姓楊氏名達字叔莊弘農華陰  
人隋之宗室煬帝時官至納言封遂寧郡公諡曰懿唐武后  
其外孫也顯慶元年追贈左僕射爲立此碑

寶刻  
叢編

代國夫人開佛窟碑

陳國重撰韓處約書碑稱佛窟者當漢初有氣如煙雲出於  
其閒高祖爲之立廟後漢永平中釋教旣至中國改廟曰大



平寺周改名曰大乘周武帝時被毀至唐代國夫人楊氏復開而立之碑以顯慶二年立

寶刻叢編

贈司徒李靖碑

侍中許敬宗撰直弘文館王之敬書靖字藥師隴西成紀人官至右僕射封衛國公贈司徒諡曰景武碑以顯慶三年五

月立

寶刻叢編

弘福寺辯法師碑

祕書丞李儼撰洋州司戶薛純陁書法師名機字辯姓張氏南陽人爲弘福寺沙門碑以顯慶三年八月立

寶刻叢編

贈司徒尉遲恭碑

中書舍人許敬宗撰不著書人名氏恭字敬德河南洛陽人

官至開府儀同三司封鄂國公贈司徒并州都督諡曰忠武

碑以顯慶四年三月立

寶刻叢編

蘭陵長公主碑

吏部尚書兼知中書門下事李義府撰慶州刺史駙馬都尉

竇懷哲書公主名淑字麗其太宗之第十九女碑以顯慶四

年九月立在百城寺中

寶刻叢編

贈荊州都督張士貴碑

書撰人名氏缺士貴虢州盧氏人官至左領軍大將軍贈荊

州都督碑以顯慶中立在昭陵

寶刻叢編

三藏聖教序記

序太宗御製記高宗御製中書令褚遂良書永徽四年刻在

永興今此本序記同爲一石字畫並同而刻石在永興本後  
十年疑模本也龍朔三年六月立在同州

寶刻叢編

### 袁游擊碑

游擊子義愔撰并書游擊名神通字玄濟河南宜陽人仕唐

官至游擊將軍右武衛唐興府正果毅都尉碑以麟德元年

立

寶刻叢編

### 孫仁師百濟班師碑

前隨州光化尉馬大斌撰不著書人名氏高宗既平百濟已

而其國人復叛右威衛將軍孫仁師爲熊津道行軍大總管

伐而平之師還至都洲刻石紀功以麟德元年立

寶刻叢編

### 盧國公程知節碑

侍中中書令行右丞相許敬宗撰暢整書知節字義貞濟州東阿人官至鎮軍大將軍封盧國公贈驃騎大將軍碑以麟德二年十月立在昭陵

寶刻叢編

### 夏州都督姜協碑

司列少常伯李安期撰豫王府屬直弘文館高正臣書協字壽秦州上邽人官至夏州都督碑以乾封二年立

寶刻叢編

### 高匡墓志

不著書撰人名氏匡字才仁滄洲渤海人碑以乾封二年立本朝嘉祐中永年令石起得之於洺州乾明僧舍

寶刻叢編

### 華陽觀主王軌碑

江寧令于敬之撰王元宗書先生名軌字洪範又字道栖瑯

瑯臨沂人爲道士師王遠知茅山華陽宮其所建也碑以乾封二年十一月立在茅山後有總章二年弟子李義廉題名寶刻叢編

鄭國夫人武氏碑

司列少常伯李安期撰前戎衛兵曹參軍殷仲容八分書夫人名順字缺一則太原壽陽人武后之妹司衛卿賀蘭安石之妻封韓國夫人追贈鄭國碑以乾封三年立寶刻叢編

司衛卿尉遲寶琳碑

侍中中書令行右丞相許敬宗撰饔餼部員外郎直弘文館王知敬書寶琳字元瑜敬德之子官至司衛卿碑以咸亨元年

正月立

寶刻叢編

右驍衛大將軍阿史那忠碑

不著書撰人名氏忠字義節京兆萬年人唐上元中官至右驍衛大將軍贈鎮軍大將軍諡曰貞碑以上元二年十月立

寶刻  
叢編

九門縣西浮圖碑

前應詔四科舉董行思撰清河傅德節書高宗時縣人于慧

炬等

一本  
作寺

因隋浮圖故基而重建之碑額題曰九門縣一本  
作合

令鄉城人等爲國造浮圖碑以上元三年立

寶刻  
叢編

大興國寺舍利塔碑

相州刺史越王貞撰趙郡李君惠集王羲之書興國寺楊震學舍也隋文帝仁壽中以舍利分置天下諸寺此其一也碑

以儀鳳四年三月立

寶刻叢編

恆嶽嶺路銘

深澤處士張克雋撰恆嶺處士

缺姓

書高宗調露中用兵於

突厥恆州長史

碑不著名

披山刊木構橋梁以通運路路由北嶽

故以嶽嶺爲名碑以調露二年二月立

寶刻叢編

獨孤府君頌德碑

陝石尉孟

缺一字

休撰桃林主簿盧元珪書碑缺府君名其字

曰思思下又缺一字河南洛陽人給事中元愷之子爲陝州

桃林令入爲水部員外郎桃林人立此碑以頌德據唐書表

元愷二子曰思莊思行此不知其誰也碑以調露二年立

寶刻

叢編



元府君德政碑

八分書不著書撰人名氏府君名思哲字知仁河南洛陽人以絳州夏縣令卒於官縣人右監門校尉陰神義等爲立碑以頌德以調露二年立在夏縣

寶刻叢編

開業寺碑

李尙一撰蘇文舉書開業寺者後魏司徒李裔所立謂之隱覺寺周廢佛法以寺賜裔孫祖元隋初復立爲寺唐貞觀中賜名開業碑以開耀二年二月立在元氏縣

寶刻叢編

陶雲德政碑

申州錄事張義感撰不著書人名氏雲字夫舉河南伊闕人唐高宗時爲恆州刺史碑以永<sub>○</sub>三年立在眞定府門外

寶刻

王法主碑

鳳閣侍郎同鳳閣鸞臺平章事劉禕之撰揚州登仕郎齊懷素

按輿地碑目作壽

書法主名遠知居茅山華陽宮追贈金紫光祿

大夫諡曰昇真碑以文明元年立在茅山

寶刻叢編

八都壇記

碑首題曰八都壇神君實錄八都者蓋其境內封龍等八山

為壇都

一作神

望而祭之因壇立廟以為名刺史馮義縣令蕭

倓等禱雨有應率人修其廟而為之記因列時人姓名於後

撰述者自稱元質而不著姓亦無書人名氏碑以垂拱三年

立

寶刻叢編

案金石錄作垂拱元年十月立

懷州司兵參軍魏載墓志

湖州司倉高嶠撰不著書人名氏載鉅鹿曲陽人文貞公徵之孫叔玉之子官至懷州司兵參軍坐事流死嶺南碑以垂

拱四年立

寶刻叢編

修敬寺旭禪師碑

無書撰人名氏禪師姓趙氏絳州稷山人住修敬寺碑以萬歲通天二年立在河陽

寶刻叢編

渭南縣令李思古清德頌

直崇文館馬

案通志略作馬

吉甫撰不著書人名氏思古渤海修人

爲鴻州渭南令入拜右司員外郎鄉人爲清德碑以聖曆元

年十月立

寶刻叢編

仙壇山銘

仙壇山名并石天尊像一道士周道賜書銘不著撰人名氏  
初道士宋文幹以山石自然成形因立壇其後縣令岑琢石  
爲像碑以聖曆三年立在溧水縣

寶刻叢編

則天幸流杯亭宴詩

靈臺丞殷仲容書武后聖曆三年幸汝州宴飲於州南流杯  
亭與羣臣分韻賦詩武后御製及梁王三思等凡七首平章  
事李嶠爲敘以久視元年九月刻石碑後沒於汝水中貞元  
五年刺史陸長源輦出之有記在碑陰字爲八分書

寶刻叢編

大雲寺碑

太子中書舍人賈膺福撰八分書寺本隋文帝所立謂之長

壽武后改曰大雲碑以大足元年五月立

寶刻叢編

福昌令張公頌

前鳳閣舍人薛稷撰不著書人名氏考其字畫疑亦稷所書也張君漢相蒼之二十九世孫武后時自福昌令徙爲洛陽令而福昌人爲之立此張君名及年月皆剝缺不可辨

寶刻叢編

案金石錄大足元年九月立

崇聖寺曇遂法師碑

薦福寺譯經沙門波崙撰前鳳州錄事袁元愬書法師姓魏氏鉅鹿曲陽人高宗儀鳳中初建崇聖寺召法師居之其後自斷肢體剗心腹以食百獸而死碑以長安元年立

寶刻叢編

石柱銘

陝州刺史

缺姓

撰八分書不著名氏石柱相傳以爲周召分

陝所立以別地界銘不著所刻年月驗其字武后時刻也有

缺二字

等題名

寶刻叢編

胡元綯墓志

不著書撰人名氏元綯字子實涇州安定人官至雅州嚴道

令碑以神龍元年立

寶刻叢編

隋信行禪師興教碑

越王貞撰中書舍人薛稷書於禪師事迹無所敘述但爲稱

美之辭而已謂之興教碑以神龍二年八月立

寶刻叢編

寶將軍墓志

不著書撰人名氏將軍河南人唐太穆皇后之族官至右屯

衛將軍碑以神龍二年立文字缺滅將軍之名字不可見矣

寶刻  
叢編

句容令岑植德政碑

雍州錄事參軍張景毓撰業行寺僧翹微書植字德茂南陽棘陽人自潤州句容令召還縣人爲立此碑以景龍二年二

月立

寶刻  
叢編

太子中舍人楊承源碑

孟獻忠撰集王羲之褚遂良歐陽詢等諸家書承源字嗣本

弘農華陰人官至太子典郎追贈太子中書舍人碑以景龍

三年十月立

寶刻  
叢編

寧照寺鐘銘



居士武承泰撰文林郎武盡禮書寺僧初鑄大鐘以景龍三年刻此銘

寶刻叢編

龍興寺碑

兵部侍郎修文館學士張說撰吏部侍郎修文館學士盧藏用八分書中宗初復位天下州郡皆置龍興寺一所此碑以景龍四年五月立

寶刻叢編

龍興寺碑陰

薛融書檢校陳州刺史韓奇等題名凡五十六人又有僧惠明等題名十六人別體書不著名氏

寶刻叢編

匡城令鄭府君碑

校書郎吳光壁

按類編作堂

撰前國子進士李惟恕書滑州匡城

令鄭誼去思頌德之碑也誼字叔敬滎陽開封府人碑以景

龍中立

寶刻叢編

孔子贊并碑陰記

文林郎武盡禮書據碑稱其先君嘗爲懷州刺史作此贊後于悱爲錄事參軍刻之然不書其姓也并盡禮所作記述漢以來追贈孔子官爵孔子裔孫元寶等重葺祠宇修立舊碑并贊皆列於碑陰

寶刻叢編

贈益州都督王美暢碑

禮部尙書昭文館學士薛稷撰并書美暢字通理太原祁人官至潤州刺史其女爲睿宗德妃景雲中追贈美暢至益州

都督碑以景雲二年七月立

寶刻叢編

崔敬嗣碑

檢校祕書丞兼昭文館學士胡皓撰國子監太學助教郭謙  
光八分書敬嗣字奉先博陵安平人官至并州大都督府長  
史碑以景雲二年九月立

寶刻  
叢編

崇<sub>玄</sub>宮碑

左拾遺孫處<sub>玄</sub>撰楊幽徑書崇<sub>玄</sub>宮者宋文帝路淑媛所立  
唐景雲二年制使道士葉法善奉玉冊投龍設齋碑以太極  
元年四月立在茅山

寶刻  
叢編

清邊軍總管楊乾緒碑

富平主簿褚琇撰正字權瓌八分書乾緒字幼紹雍州富平  
人官至宣威將軍右玉鈐衛幽州開福府折衝都尉清邊軍

總管致仕碑以先天元年十一月立

寶刻叢編

韋維善政論

著作郎楊齊哲撰前洛川丞直翰林院褚庭誨書維字文紀京兆杜陵人爲坊州刺史此實紀德碑也以先天元年立

寶刻叢編

叢編

贈廣州大都督成王仁碑

侍郎岑義撰岐王府參軍魏思禮書仁字千里後改以字爲名太宗之孫吳王恪之子官至益廣二州都督封成王神龍三年與節愍太子同誅武三思敗死先天二年妃慕容氏爲

立此碑

寶刻叢編

集古錄目卷五

集古錄目卷六

宋廬陵歐陽棐撰

賜進士出身翰林院編修

國史館纂修江陰繆荃孫校輯

唐

徧學寺碑

黃門侍郎韋承慶撰太子詹事越國公鍾紹京書將仕郎阮  
弘靖建禪院於徧學寺以開元二年立此碑寶刻叢編在襄州今  
在轉運使愛峴閣下輿地碑目

崔愼碑

紫微侍郎蘇頌撰愼孫太常博士瑄八分書愼字行謹博陵  
安平人官至滄州湖蘇令其孫燧字元暉神龍中爲中書令  
追贈愼幽州刺史碑以開元三年立寶刻叢編

有道先生葉國重碑

松陽令李邕撰并書國重道術之士字雅鎮號有道先生南

陽葉縣人碑以開元五年三月立

寶刻叢編

建福寺三門頌成碑

中書舍人盧藏用撰前華州鄭縣尉吳光璧集王羲之行書

建福寺在滑州酸棗縣開元中寺僧增葺之并建三門初成

故曰頌成碑以開元五年五

金石錄作正

月立

寶刻叢編

贈歙州刺史葉慧明碑

松陽令李邕撰國子監太學生韓擇木八分書慧明字道昭

南陽人隱居學道玄宗時子法善以道術顯追贈慧明歙州

刺史碑以開元五年七月立

寶刻叢編



西崇福寺懷素律師碑

國子司業崔融撰安國寺沙門行敦集王羲之書懷素西崇福寺僧也姓范氏長安人碑以開元六年二月立

寶刻叢編

豫州刺史魏叔瑜碑

荊州大都督府長史燕國公張說撰叔瑜次子安州都督華書叔瑜字思瓘鉅鹿下曲陽人太尉鄭文貞公徵之子官至豫州刺史碑以開元六年五月立

寶刻叢編

贈司空竇希臧碑

著作佐郎李湛然撰陝王府司馬魏華書希臧字美玉扶風平陵人官至太子少傅贈司空碑以開元六年十月立

寶刻叢編

太子左庶子

金石略作右

韋維碑

汝州刺史崔日用撰國子監丞郭謙光八分書維字文紀京兆杜陵人官至太子右庶子碑以開元六年立

寶刻叢編

納職令王行碑

著作郎楊齊哲撰吏部常選南朝馮令書行之字缺譌不可辨太原人官至伊州納職縣令碑以開元七年五月立

寶刻叢編

右武衛大將軍李思訓碑

思訓從子福州刺史李邕撰并書思訓字建隴西狄道人西涼昭武皇帝之後官至右武衛大將軍諡曰昭碑以開元八

年立在蒲城縣

寶刻叢編

神德寺碑

八分書不著書撰人名氏神德寺故後魏之會同寺也唐垂

拱三年有司奏自華原之石門山徙於祓禱城北魏龍華寺  
故基而立之碑以開元八年立

寶刻  
叢編

黃門監盧懷慎碑

禮部尚書蘇頌撰元宗八分書懷慎字懷慎范陽人官至黃  
門監諡曰文成碑以開元八年立

寶刻  
叢編

相州刺史竇忠仁碑

國子祭酒徐堅撰八分書不著名氏忠仁字恕扶風平陵人  
官至相州刺史碑以開元十一年立

寶刻  
叢編

大雲寺碑

海州刺史李邕撰并書寺舊謂之確師禪房僧慧藏增葺之

碑以開元十一年四月立

寶刻  
叢編

陶隱居碑

梁邵陵王綸撰隸書不著名氏隱居名弘景字通明丹陽秣陵人齊末爲宜都王侍讀棄官隱居句曲山中自號華陽隱居終於梁武帝時贈中散大夫諡曰貞白碑額曰梁貞白先生陶隱居碑在茅山

寶刻叢編 案復齋碑錄開元十二年九月立

文蕩律師塔碑

前河南告成尉盧奐撰著作郎魏栖梧書律師姓藥氏河南密縣人開元十三年十月弟子一智爲之建塔立此碑在陽

翟縣

寶刻叢編

華嶽碑述聖頌

京兆府富城尉達奚珣撰敘右補闕集賢殿學士呂尚撰頌

并書<sub>(玄)</sub>宗御製御書華嶽廟碑建於廟中珣等遂作此頌以

開元中立

寶刻叢編

西嶽大洞張尊師碑

王延齡撰李慈書尊師名敬忠字誠華陰盟東里人爲西嶽

雲臺宮主碑以開元十四年四月立

寶刻叢編

端州石室記

李邕撰并書端州刺史畢守恭與僚佐游於石室爲此記以

開元十五年正月立

寶刻叢編

重修梁公堰碑

汜水主簿趙居貞撰縣令王象書梁公堰者隋開皇中華陽  
梁睿所修故以爲名依山鑿堰以河水通運路中間改其舊

制別起渠口當河衝立石柱以灑水既成遽填塞不能通開  
元十五年勅將作大匠范安復其故迹作此銘碑以是年二

月立

寶刻  
叢編

盧舍那珉像碑

趙儼撰蔡有鄰八分書珉像定州刺史張嘉貞所造碑以開

元十六年二月立

寶刻  
叢編

張說題<sub>⑤</sub>宗御書記

集賢院學士張說題<sub>⑤</sub>宗所書碑御製御書字并年月記及

模泐刻字人姓名後有開元十六年將幸溫泉親詣大慧禪

師塔所口勅檢校立碑使朱敬宣作記然則說所題者禪師

塔碑也

寶刻  
叢編

一行禪師塔碑

明皇撰并八分書一行本姓張氏名遂後爲沙門諡曰大慧

碑以開元十六年立

寶刻叢編

高祖駐馬佛堂碑

渭南縣典法寺僧貞慶撰并八分書高祖武德二年嘗幸渭南至大韓村其父老以爲榮立佛像於其地謂之駐馬佛堂歲久碑記缺落開元十七年村人韓祚等重建

寶刻叢編

贈吏部尚書蕭灌

金石錄作璣碑

尚書左丞相張說撰梁昇卿八分書明皇以八分書題額府

君名灌字玄茂南梁蕭詵之後官至渝州長史子嵩爲尚書

令贈府君吏部尚書碑以開元十八年五月立

寶刻叢編

廣州都督馮君衡碑

尚書左丞相張說撰中書令鍾紹京書君衡長樂人子力士  
爲冠軍大將軍追贈君衡廣州都督碑以開元十八年立

寶刻

叢編

贈太尉裴行儉碑

右丞相張說撰裴瓘書行儉字約河東聞喜人官至禮部尚  
書金牙道大總管謚曰憲追贈太尉碑以開元十八年立在

聞喜

寶刻叢編

支提龕記

陳留蔡景撰不著書者名氏支提龕者鄴城僧義紐乾壽建  
三尊眞容而作并附二僧道行記於後碑以開元十九年立



寶刻  
叢編

贈虢州刺史楊<sub>曆</sub>碑

陳州刺史李邕撰敘<sub>曆</sub>義男前中書令鍾紹京撰銘并書<sub>曆</sub>  
字睢本姓蘇氏其子思勗爲宦者姓楊氏因亦改<sub>曆</sub>姓思勗  
爲輔國大將軍贈<sub>曆</sub>虢州刺史碑以開元十九年立其後具  
載義姪高力士義男王守麟等官爵

寶刻  
叢編

華嶽眞君碑

華陰丞陶翰撰韋騰書<sub>玄</sub>宗開元十九年加五嶽神號眞君

初建祠宇立此碑

寶刻  
叢編

平蠻碑

蕭晉用撰開元十九年刻石紀功在成都昭烈廟

寶刻  
叢編

東林寺碑

李邕撰并書開元十九年在東林輿地碑目

誠節公馮昭泰碑

棣王洽撰中書舍人內供奉梁昇卿八分書昭泰字遇聖官至栢州刺史諡曰誠後以其子紹烈贈爲工部尙書此其寢廟碑也立宗親爲題額加諡誠節碑以開元二十一年立寶刻

叢編

請立馮公碑表

昭泰子紹正等請立廟碑表梁昇卿八分書并墨詔同刻散

騎常侍陸堅題額寶刻叢編

景陽樓下井欄銘并記

開元二十二年三月江寧縣丞王震重刻隋煬帝銘并自爲  
記八分書不著名氏

寶刻叢編

### 五殺大夫碣

不著撰人名氏鄭璉書據碑因過五殺大夫墓作此銘以開

元二十三年六月立

寶刻叢編

### 華山石闕題名

自開元二十三年鄭虔題名爲首後二百一年至後唐清泰  
二年戶部侍郎楊凝式而止其間無年月日時世者悉列於  
後總五百一人在華嶽廟中

寶刻叢編

### 刺史盧奐廳事讚

玄宗御製御書帝西幸過陝府至奐廳事題贊於其壁奐以

刻石并謝表批答附於後碑以開元二十四年十月立

寶刻叢編

贈太師裴光庭碑

中書令集賢院學士張九齡奉勅撰(玄)宗御書侍中裴耀卿  
題御書字兵部尙書同中書門下三品李林甫題額諫議大  
夫褚庭誨摹勒光庭字連城河東聞喜人官至侍中封正平  
郡公贈太師諡忠獻碑以二十四年十一月立在聞喜縣

寶刻

叢編

明皇御注道德經

經(玄)宗書注皇太子紹及慶王宗等奉勅書初開元二十四  
年(玄)宗已注道德經道門威儀道士司馬秀等奏請兩京及  
天下應修官齋等州造立石臺刊勒經注(弘)農太守趙冬曦

立在閩鄉縣

寶刻叢編

羣臣請立道德經臺奏答

（玄）宗注道德經成道士司馬秀等請立經臺奏謝批答及皇太子紹慶王琮等十八人列名皆附刻於經臺開元二十五

年立

寶刻叢編

禹廟題名

陝州別駕崔穎等題名八分書不著名氏開元二十五年刻

寶刻叢編

東山愛同寺懷道闍黎碑

括州刺史李邕撰并書闍黎姓陳氏爲福州愛同寺僧碑以

開元二十五年七月立

輿地碑目寶刻叢編

華嚴寺元覽律師碑

工部侍郎徐安貞撰諫議大夫褚庭誨書法師庭誨之諸父也爲杭州華嚴寺僧碑以開元二十五年八月立

寶刻叢編

西明寺上座智遠律師塔碑

前進士啖彥珍撰集賢院書手陳瓌書律師姓睦氏趙郡人爲長安西明寺臨壇上座碑以開元二十五年立

寶刻叢編

王仙公廟記

岑均撰參軍高重明書仙公者漢葉令王喬也縣人舊以姓名稱其廟葉令史惟清改曰仙公碑以開元二十五年立在

葉縣

寶刻叢編

萬回神迹記

右散騎常侍徐彥伯撰太子右內率府錄事參軍集賢院學士史惟則八分書萬回姓張氏據記沙門元奘嘗西遊天竺有寺空其一室問其人曰是僧方生於中國其號萬回蓋白此而往者萬回矣萬回言語悲喜不常如狂者所爲多異高宗延之禁中中宗號之曰元通大居士封法雲公（玄）宗爲營居室於醴泉里後追贈司徒封號國公碑以開元二十五年萬回弟子沙門還源立

寶刻叢編

周太師尉遲公廟碑

前華州鄭縣尉閣伯璵撰敕祕書省校書郎顏真卿撰銘蔡有鄰隸書迴字居羅代人爲相州總管贈太師周末隋文帝秉政迴舉兵不克而死唐武帝中改葬復其封爵開元二十

六年相州刺史張嘉祐爲之立廟建碑以是年正月立

寶刻叢編

濟源令李君遺愛碑

中書舍人梁陟撰監察御史集賢院修撰徐浩書李公名造唐之宗室自濟源令入爲起居舍人此頌濟源人所作碑以

開元二十六年十一月立

寶刻叢編

石像文并陰

延州別駕唐炎撰不著書人名氏顯慶中炎之祖季卿爲延州刺史造石龕立佛像開元中炎復爲州別駕加以鑄飾以

開元二十七年立此碑并碑陰題名

寶刻叢編

小字道德經

明皇注八分書不著名氏開元二十七年立

寶刻叢編  
地碑目作十七



年

李涓德政碑

河中猗氏丞盧炅撰吏部常選張休倩書絳州夏縣令李涓  
之德政碑也涓字涓缺縣人碑以開元二十七年立在夏縣

寶刻  
叢編

開元寺碑

淄州刺史李邕撰并書開元寺隋所建本名正等唐初改曰  
大雲中宗初沙門元沼重修又改曰神龍寺玄宗親書額改  
爲開元碑以開元二十八年七月立

寶刻  
叢編

田琬德政碑

中書侍郎集賢院學士徐安貞撰蘇靈芝書琬字正勤自易

州刺史遷爲安西都護此易州人所立德政碑也以開元二

十八年十月立

寶刻叢編

楊仲昌碑

尚書左丞席豫撰鄖繇篆書

缺六字

與神道碑同開元二十八

年立在閩鄉縣

寶刻叢編

淄川令裴大智碑

滑州刺史李邕撰司

缺一字

員外郎蕭誠書大智河東人官至

淄州令碑以開元二十九年十一月立在濟源

寶刻叢編

左羽林大將軍臧懷亮碑

陳州刺史李邕撰并書懷亮字明時東莞莒人官至左羽林

大將軍碑以開元二十九年立在三原縣

寶刻叢編

候臺記

前左監門率府兵曹參軍梁德裕撰蘇靈芝書候臺者古燕國望雲氣之所也後人因其故址立臺以備遊宴易州刺史郭明肅於其四壁畫郭隗劇辛孝子烈婦等像碑以開元二十九年十月立

寶刻叢編

令長新誠

⑤宗御製初⑤宗擇令長一百六十三人又自製新誠宰相裴耀卿等請令集賢院善書者書以賜之其後諸縣往往刻石

案此刻不知所在河內虞城舞陽皆有是刻舞陽一刻次大和九年

寶刻叢編

又

開元中縣令徐抗所刻太室山人劉飛書在穰縣

寶刻叢編

又

開元中汜水令馮宴所刻後歲久以爲柱礎寶曆二年縣令

崔潏移置於廳事

寶刻叢編

開元聖像廟

陳知溫書開元二十九年（玄）宗夢人告之曰吾汝祖也有像

在京城西南百里可求之當見汝於興慶宮得之於盤屋山

此碑以天寶元年淮陰太守李諲所立

輿地碑目

韓公井記


不著書人名氏八分大書三字曰韓公井其記眞書舊傳井

有靈人不敢汲採訪使韓朝宗酌而飲之由是汲者無患故

以爲名碑以開元中立在宣城縣

寶刻叢編

集古錄目卷六



集古錄目卷七

宋廬陵歐陽棐撰

賜進士出身翰林院編修 國史館纂修江陰繆荃孫校輯

唐

桐柏觀碑

祠部郎中崔尙撰翰林院學士慶王府屬韓擇木八分書明  
皇題額天台山有廢道宮相傳以爲晉葛元所居天寶初詔  
建爲桐柏宮道士司馬子微營而成之碑以天寶元年三月  
立

寶刻  
叢編

韓賞祭華嶽文

右補闕韓賞撰諸王侍書榮王府司馬韓擇木八分書自陳  
其志以忘身憂國爲己任以盟於神天寶元年四月立在華

嶽廟

寶刻叢編

舞陽侯祠堂碑

校書郎王利器撰集賢院待制史惟則八分書前京兆府司錄徐浩篆額舞陽令張紫陽等修廟記也碑以天寶二年十

月立在舞陽縣

寶刻叢編

代州都督薛仁貴碑

著作郎弘文館學士苗神客撰仁貴元孫左領軍衛兵曹參軍伯嶷書仁貴名禮以字行河東汾陰人官至明威將軍代

州都督碑以天寶二年立在安邑縣

寶刻叢編

小魯真人仙解謠

魯國清撰進士程錫書真人名成字和光年八歲及其兄希



言皆爲道士於奉仙宮此碑止見其半不見所終及立石年

月在濟源縣

寶刻叢編 案金石錄天寶三載七月立

駙馬都督豆盧建碑

衛尉卿駙馬都尉張垺撰諸王侍書榮王府司馬韓擇木八

分書并額建字立言河南人尙玄宗女建平公主官至太僕

卿駙馬都尉碑以天寶三載七月立

寶刻叢編

玉眞公主仙居臺碑

山人韓休撰八分書不著名氏天寶二年勅玉眞公主投龍

五老山常居此臺碑以天寶四載立

寶刻叢編

河東郡君裴夫人志

不著書撰人名氏左衛中郎李從一之妻封河東郡君碑以

天寶四年立

寶刻叢編

宋公神道碑

中書舍人孫逖撰河南府陽翟尉集賢校理御書史惟則八分書宋公名字缺亡而碑不著其鄉里官至延州刺史碑以天寶四載立在梁縣

寶刻叢編

貪泉銘

南海別駕陳元伯撰嶺南黜陟判官薛希昌倒薤篆書天寶

五載四月立

寶刻叢編

吏隱山記

李陽冰殘碑凡數百字雖首尾不完文字缺減而歷歷可讀其間多述山水景物其最後曰名之曰吏隱山又曰時唐百

二十九載以歲次推之則天寶五載也

寶刻叢編

### 洪福寺彌勒石像碑

同官主簿韓滉撰并書集賢院學士衛包題額彌勒石像者長安中縣令趙貞造寺僧圓證重修碑以天寶五載立在同

官縣

寶刻叢編

### 尹仁恕闕文并旌表記

不著書撰人名氏闕文凡十二字曰大唐孝子四葉旌表尹仁恕闕其後有記仁恕曾祖養伯字嗣宗祖怱字守忠父慕先字冬筠仁恕字南金皆以孝行被旌表仁恕闕以天寶五

載立在襄陽縣

輿地碑目

寶刻叢編

案集古錄作周萬

五載立蓋文撰於武后時碑立於宗時也

尹氏孝德記

吏部尚書同中書門下三品張柬之撰不著書人名氏怍字  
守忠襄陽人事親居喪皆以孝稱貞觀龍朔中再有詔褒美  
旌表門閭碑以天寶五載立

寶刻  
叢編

貞一先生廟碣

左威衛錄事參軍衛憑撰右監門衛兵曹參軍薛希昌八分  
書貞一先生者道士司馬子微也字承禎法號道德又自號  
白雲先生明皇置陽臺宮於王屋山以處之追諡貞一其從  
子綱因所居立以爲廟碑無所立年月在王屋

寶刻叢編  
案金石錄天

寶六載  
七月立

濟源令房琯遺愛頌

監察御史平冽撰河陽令徐浩書琯字次律清河人嘗爲濟源令列作頌時琯爲給事中碑以天寶七載三月立

寶刻叢編

乘眞禪師靈塔碑

長子主簿王雄風撰胡沛然書并篆額禪師姓林氏陸渾人景龍二年爲陸渾山圖以獻中宗自書寺名曰兜率以賜之及其卒衛尉崔從禮之妻李氏得其舍利起塔藏之碑以天寶七載八月立

寶刻叢編

楊弘慶造舍利塔碑

劉愼和撰王進書弘慶弘農人以開元七年造銅孟蘭盆及

舍利塔佛像等天寶七載立此記弘慶等題名附

寶刻叢編

祠三清文

明皇撰并書天寶七載立在茅山

寶刻叢編

### 石門湯泉記

太子通事舍人李幼卿撰太僕寺主簿文學直集賢院修書衛包八分書并篆額唐初有沙門空藏者居藍田山中方大雪山谷閒有氣上蒸發石而湯泉出其下開元中勅給事中楊營葺之增多其室宇立此碑

寶刻叢編

### 美原夫子廟碑

行美原令王岳撰并書天寶中初尊夫子爵爲王碑以天寶八載立在美原縣

寶刻叢編

### 雲臺觀金籙齋頌

衛包撰并書字爲古文

⑤

宗自開元中每歲之千秋節設金

錄齋於華嶽雲臺宮碑以天寶九載四月立

寶刻叢編

雲臺觀三方功德頌

右補闕內供奉集賢院修書衛包撰并書字爲古文據碑天寶中詔書功德於華山雲臺宮并安御容重飾金天王廟前御製碑而作此頌以天寶九載四月立

寶刻叢編

禮部尚書徐南美碑

大理評事陶翰撰翰林待詔左衛率府兵曹參軍蔡有鄰八分書徐筠字南美東海人也垂拱中官至禮部尚書碑以天

寶九載立

寶刻叢編

嶽廟古松詩

韋元治撰右補闕集賢院學士衛包古文篆書天寶九載立

寶刻  
叢編

華陽頌

元宗  
詔附

梁貞白先生陶弘景撰不著書人名氏天寶九載紫陽宮主

劉行矩等刻石

寶刻  
叢編

戶部尙書章仇兼瓊碑

檢校倉部郎中馮用之撰左衛率府兵曹參軍集賢院待制

蔡有鄰八分書兼瓊字兼瓊魯郡任城人官至戶部尙書殿

中監諡曰忠碑以天寶十載立

寶刻  
叢編

春申君廟碑

吳郡太守江東採訪等使趙居貞撰前廣陵大都督府戶曹  
參軍集賢院待制史惟則八分書并篆額吳郡有春申君故



宮後人因以爲廟俗譌謂之城隍神居貞廣其制度更易塑像以朱英配饗改名曰黃相廟碑以天寶十載立

寶刻叢編

### 放生池碑

襄陽太守山南東道採訪使李愷撰八分書不著名氏天寶十載愷以城下漢水爲放生池立此銘不著年月

寶刻叢編

### 放生池石柱銘

不著書撰人名氏天寶十載李愷爲襄陽太守父老李君秀等請以襄陽臨溪兩縣江水近城者爲放生池止人漁釣立石柱於東西境上以表之因以君秀等狀及州符刻於柱上

輿地碑目  
寶刻叢編

### 能大師碑

兵部侍郎宋鼎撰河南陽翟丞史惟則八分書大師姓盧氏  
南海新興人居新興之曹溪天寶七載其弟子神會建碑於

鉅鹿郡之開元寺

寶刻叢編

神德寺彌勒閣碑

杜鰲撰馬順書彌勒閣者開元中沙門會覺所立天寶十一

載馮翊張祥德重建碑以十二載立在華原縣

寶刻叢編

商餘操

蘇預撰韓擇木八分書預友元結隱居教授於商餘之肥溪

預爲作此辭預時爲河南令自號中行子碑不載立石年月

在魯山縣

寶刻叢編案顏真卿撰元結墓表稱中行子蘇源明源明當是蘇預之字結隱居商餘在天寶十

二載舉進士之前

贈文部郎中薛悌碑

國子司業蘇預撰武部郎中徐浩八分書悌長蘆人中宗時  
爲雍州司兵參軍坐魏元忠黨流死袁州天寶中子伯成爲  
咸寧令追贈悌文部郎中

寶刻叢編 案金石錄  
天寶十三年二月立

東方先生畫贊

晉散騎常侍夏侯湛撰唐平原太守顏真卿書初開元八年  
德州刺史韓思復以贊刻於朔廟後真卿爲太守文已殘缺  
遂以天寶十三載二月重立此碑

寶刻  
叢編

畫贊碑陰記

顏真卿撰并書及題額真卿旣易舊碑因記其事迹年月刻

在畫贊之陰

寶刻  
叢編

貞順皇后武氏碑

⑤宗御製并八分書太子亨題額后姓武氏晉陽人終於惠  
妃追諡曰貞順碑以天寶十三載四月立

寶刻  
叢編

趙說遺愛碑

唐楚金撰不著書人名氏此碑淮陰所立天寶十四載刻

輿地

碑目

法華寺⑤儼律師碑

前祕書省正字萬齊融撰武部郎中徐浩書律師姓徐氏諸  
暨人居越州法華寺碑以天寶十五載六月立

寶刻  
叢編

讀樊丞相傳詩

河陰尉鄭昞之撰安定胡霈然八分書不著年月

寶刻叢編  
案丞相

漢樊  
噲也

孫志直碑

禮部尚書裴大淹撰太子少保致仕韓擇木八分書志直字  
無亮河西姑臧人嘗爲鳳翔尹隴右四鎮節度使封晉陽王  
罷以本官奉朝請待制集賢院議軍國事自營其墓而立此  
碑無所刻年月寶刻  
叢編

興唐寺石經藏贊

石經藏者開元中長安興唐寺僧所立東都白馬寺主嗣安  
爲敘隸書無名氏禮部尚書席豫等爲贊其閒蔡有鄰八分  
書者二顧誠奢眞書者一翰林待詔張棻八分書者三其餘  
三人闕姓名又其餘皆不著書人名氏或作者所自書也碑

以天寶中立

寶刻叢編

盧僊德政碑

太子正字閻寬撰伊闕尉集賢院待制史惟則八分書僊字

守成范陽人爲襄州長史此蓋去思碑也碑字殘缺不見所

立年月

輿地碑目 寶刻叢編 案金石錄天寶中立

獨孤冊遺愛頌

江夏太守李邕撰蘭陵蕭誠書府君名冊字伯謀河南人嘗

爲襄州刺史此爲襄人所立也石爲四面其兩面剝缺不可

讀不知所立年月

寶刻叢編 案金石錄天寶中立

又

誠書世多有之而此尤佳今在峴山

輿地碑目

題寶林寺詩

會稽公徐浩撰并書

寶刻叢編

贈太保郭敬之碑

侍中苗晉卿撰中書侍郎平章事蕭華書敬之字敬之華州鄭縣人官至壽州刺史以子子儀追贈太保碑以肅宗元年

建寅月立

寶刻叢編

⑤宗登逍遙樓詩

⑤宗御製并八分書太常卿姜皎書年月蒲州刺史王嶼以詩刻石請御書碑額表一蒲州刺史顏真卿書答詔肅宗書

以乾元元年立

寶刻叢編

城隍廟記

縉雲令李陽冰撰并篆書陽冰禱廟而雨因移建於山上碑

以乾元二年八月立在縉雲縣

輿地碑目  
寶刻叢編

### 江陵尹呂公表

元結撰顧誠奢八分書碑以肅宗元年立在江陵府呂公祠

堂中

輿地  
碑目

### 崇絢法師碑

扶風司馬裴法撰南京開元寺僧智巖口書驃騎大將軍高

力士題額崇絢姓趙氏爲開業寺主碑以乾元二年立

寶刻  
叢編

### 蘄州刺史杜敏生祠碑

張璨撰史惟則八分書碑以乾元二年立在蘄州

輿地  
碑目

### 王粲石井欄記



節度參謀甄濟撰襄州判官彭朝儀書魏侍中王粲故宅在襄陽其石欄至唐猶存上元二年山南東道節度使來瑱移之於刺史官舍碑以上元二年七月立

寶刻叢編

重修文宣王廟記

李陽冰撰并篆書陽冰爲縉雲令重修孔子廟堂碑以上元二年七月立在縉雲

寶刻叢編

忘歸臺銘

李陽冰撰并篆書無刻石年月

寶刻叢編

阮客舊居詩

縉雲令李陽冰撰并篆書阮客隱者也無刻石年月在縉雲

縣寶刻叢編

渭南令路嗣恭遺愛表

考功郎中知制誥蘇源明撰不著書人名氏嗣恭字嗣恭平陽人初名劍客開元中歷數縣令皆有能名明皇以爲可嗣漢魯恭故賜此名復歷渭南令至朔方留後上元二年渭南人爲立此表在渭南

寶刻叢編

國子司業顏允南碑

碑不見其首尾考其字畫與所敘述蓋顏真卿所撰并書其兄國子司業允南之碑也

寶刻叢編

集古錄目卷七

集古錄目卷八

宋廬陵歐陽棐撰

賜進士出身翰林院編修 國史館纂修江陰繆荃孫校輯

唐

雍王遊三門記

元帥府判官裴儼撰行軍司馬李進書雍王題額代宗廣德  
初雍王适爲天下兵馬元帥東討史朝義師還次陝因登三  
門問從官以古今興亡治亂之迹作此記廣德二年刻在三

門 寶刻  
叢編

贈太保郭敬之廟碑

刑部尚書顏真卿撰并書代宗御題額敬之鄉里官階見錄

墓碑此其廟碑也以廣德二年十一月立

寶刻  
叢編

岑夫人志

不著書撰人名氏夫人南陽人適隴西董淑碑以廣德中立

輿地  
碑目

西林寺題名

顏真卿書永泰丙午六月題

輿地碑目 案魯公又有東林寺題名同時立

李氏三墳記

李季卿撰李陽冰篆書李卿改葬其兄普安郡戶曹參軍曜卿字華金城尉叔卿字萬朝邑簿春卿字榮凡三墳碑以大

曆二年立

寶刻叢編

崑臺銘

元結撰不著名氏崑臺巨石也銘以大曆二年刻又有唐亭

東崖浯溪右堂四銘皆結撰其書不著人名氏大曆六年刻  
輿地碑目

贈太常卿王仁忠碑

江夏太守李邕撰都水使者集賢院學士史惟則八分書仁忠字揖太原祁人官至左千牛衛將軍永泰中以子岷贈太

常卿碑以大曆三年立

寶刻叢編

吏部侍郎王延昌碑

兵部郎中邵說撰廣州都督徐浩八分書延昌京兆人官至

吏部侍郎集賢院待制碑以大曆三年立

寶刻叢編

玄靖先生碑

祕書郎柳識撰大理司直張從申書李陽冰篆額玄靖先生

茅山道士李含光也碑以大曆四年八月立

寶刻叢編

### 良吏記

大理司直攝監察御史陳簡甫撰大理司直陳太階書大曆

中宣州刺史陳

碑不著名

采開元以來州之良吏刺史裴耀卿刺

史兼江西採訪使班景倩竹承構裴敦復贈刺史李俛司功

參軍張邈凡六人刻石爲之記俛嘗爲涇縣令終於宣州長

史廣德初浙中盜起過宣州者皆相戒不入其閭討擊使以

聞贈宣州刺史碑以大曆四年立

寶刻叢編

### 傳說廟碑

侍御史內供奉楊麟撰夏縣尉宗正卿

缺姓名

八分書大曆四

年立在夏縣

寶刻叢編

梁公德政碑

李筠撰韋玩書薛益篆額碑以大曆四年立

輿地碑目

麻姑仙壇記

顏真卿撰并書碑以大曆六年立

輿地碑目

小字麻姑壇記

顏真卿撰并書記文及刻石年月與前帙所錄者同而字甚

小

輿地碑目

贈工部尚書臧懷恪碑

撫州刺史顏真卿撰并書懷恪字貞節東莞人官至右武衛

大將軍贈工部尚書碑以開元十二年立

寶刻叢編案

開元十二年懷恪卒非立碑時也顏魯公刺撫州在大曆間

晉顏含大宗碑

晉顏含十四世孫唐撫州刺史眞卿撰并書眞卿罷撫州過含墓因敘含而下十五世子孫名字事迹立此碑以大曆六年十一月立

寶刻叢編

楊仲昌後碑

檢校禮部尙書席豫撰太子少保致仕韓擇木八分書仲昌字曼開元中官至吏部郎中碑以大曆六年追立在閩鄉縣

寶刻叢編

李庶子泉銘

李陽冰撰并書鑿井琅邪山勒銘於泉之側石上其旁又有陽冰別題十八泉字皆以大曆六年刻在滁之琅邪山歐陽



公謂學篆者皆云陽冰之跡世多矣無如此銘者中更兵火

古刻散失再刻於郡齋

輿地碑目

晉顏含碑銘

晉江夏李闡撰傳含曾孫宋光祿大夫延之撰銘十四世孫  
前撫州刺史真卿書含字弘都瑯琊臨沂人東晉初官至右  
光祿大夫封西平侯諡曰靖此銘舊有刻石大曆七年四月

真卿重建

寶刻叢編

贈祕書監程元英碑

北海太守李邕撰黃門侍郎張廷珪八分書元英字文繹廣  
平人官至桂州都督府長史贈祕書監碑以大曆七年五月

立

寶刻叢編

宋璟碑

撫州刺史顏真卿撰并書璟字子

字一

邢州南和人官至尙

書右丞相封廣平公諡曰文貞碑以大曆七年九月孫儼追

建寶刻  
叢編

德宗題陝州佛堂院壁詩

不著書人名氏德宗爲雍王時出爲天下兵馬大元帥至此

留題大曆七年陝號觀察使皇甫溫刻

寶刻叢編

顏氏殘碑

唐顏真卿書

輿地碑目

項王廟碑

殘缺不全而事蹟可見

輿地碑目

項王碑陰述

顏真卿爲湖州刺史重建項羽廟舊碑以大曆七年五月刻

記於碑陰

寶刻叢編

令狐彭開河碑

中書侍郎平章事元載撰尙書吏部侍郎徐浩書并篆額先是河至酸棗瀕縣而東失其故道尙書右僕射霍國公令狐彭開之碑以大曆八年正月立

寶刻叢編

四絕碑

李陽冰篆書并李華文張從申書

輿地碑目按此卽金石錄之法慎律師碑大曆八年

年十二月

昭義節度薛嵩神道碑

禮部郎中程浩撰梁州都督府長史翰林待詔韓秀實八分書嵩楚玉之子也初爲史思明將朝義敗以其地降卽拜昭義軍節度使封平陽郡王碑以大曆八年立在夏縣寶刻叢編

滑臺新驛記

滑毫節度使李勉撰李陽冰篆書勉使同州別駕裴方按原作方增廣驛舍以大曆八年八月立此碑於驛中寶刻叢編

臧氏糾宗碑

湖州刺史顏真卿撰并書臧氏東莞人自唐初靈州都督寵而下至京府參軍叔清族系名字官闕悉載於碑不著所刻年月在三原縣寶刻叢編

千祿字書

濠州刺史顏元孫撰姪湖州刺史眞卿書初元孫以字書分  
四聲定爲正通俗三體眞卿以大曆九年正月刻石於湖州

寶刻  
叢編

### 放生池碑

昇州刺史浙西節度使顏眞卿撰并書肅宗乾元二年使驍  
衛郎將史元琮詔天下自山南至浙西七道臨江放生池八  
十一所眞卿爲天下放生池銘上之碑以大曆九年正月立

寶刻  
叢編

### 乞御書放生池碑額表

表顏眞卿書批答肅宗御書表以上元元年上眞卿時爲刑

部尙書碑以大曆九年立

寶刻  
叢編

乞御書放生池碑額表碑陰記

顏真卿撰并書初肅宗既許書額未及下而真卿貶碑不果立至大曆中爲湖州刺史始追建於州之駱駝橋東集批答御書字以爲額又敘其事於批答碑陰以大曆九年立

輿地碑目

寶刻叢編

湖州石柱記

碑字殘缺不見年月及書撰人名氏驗其字畫顏真卿書也

凡湖州諸縣皆記其山川前古陵墓

寶刻叢編

贈工部尙書郝玉碑

吏部侍郎楊炎撰前梁州都督府長史翰林院待詔韓秀實八分書玉平原厭次人官至河西隴右副元帥封安邊郡王碑

以大曆九年立

寶刻叢編

釋迦像記

滑州節度判官豆盧適撰不著書人名氏渭北節度使臧碑不

著修華原攝度一本寺立釋迦像之記也碑不著所立年月

而稱唐九葉寶應元聖皇帝又稱唐三甲子甲寅歲則當在

代宗之大曆九年唐興一百五十七年矣碑在華原縣寶刻叢編

商州刺史歐陽珪碑

顏真卿撰并書珪字珪渤海人官至商州刺史武關防禦使

去官不仕而終碑以大曆十年十月立寶刻叢編

刑部尚書李光進碑

戶部尚書楊炎撰梁州司馬韓秀實八分書光進字大應光

弼之弟官至刑部尙書封武威郡王碑以大曆十年立在富

平縣

寶刻叢編

### 甘棠館記

壽安尉蕭昕撰大理評事史鎬八分書盧璟撰額甘棠館者  
前壽安令李公字退思所立此碑大曆十一年縣令李總所  
建又有重刻碑記貞元八年縣令李嗣撰往還此館題名者  
十六人附於後

寶刻叢編

### 射堂記

顏真卿撰并書碑石缺譌文理斷續其事迹不可攷大曆十

二年四月立

寶刻叢編

### ⑤靖先生後碑



湖州刺史顏真卿撰并書先生名含光廣陵江都人本姓宏  
避孝敬皇帝諱改爲李氏（立）宗師事之加號（立）靖先生詔居

茅山碑以大曆十二年五月立

實刻  
叢編

太保昭武公李抱玉碑

中書侍郎平章事楊綰奉勅撰刑部尚書顏真卿奉勅書抱  
玉河西武威人本姓安後姓李氏肅宗所賜也初名重璋後  
名抱玉元宗所改也代宗時終於河西隴右副元帥同平章  
事封涼國公贈太保諡曰昭武碑以大曆十二年五月立

實刻

叢  
編

梓州刺史杜濟墓志

刑部尚書顏真卿撰書亦類真卿而不著名濟字應物京兆

杜陵人官至梓州刺史碑以大曆十二年十一月立

寶刻叢編

游靈巖瀑布記

前濮州別駕康仲熊撰不著書人名氏碑以大曆十二年刻

寶刻叢編

董黯孝子碑

明州刺史崔

一本左一作任誤

殷撰前吏部侍郎集賢院學士徐浩

書孝子後漢人字叔達句章人也和帝時殺其鄉人以報親讎召拜郎中不受殷爲刺史葺其祠宇以大曆十三年二月

立此碑

寶刻叢編

霍國夫人王氏碑

中書侍郎平章事楊綰撰右散騎常侍蕭昕書夫人姓王氏

郭子儀之妻碑以大曆十三年立

寶刻叢編

王師乾神道碑

中書侍郎平章事楊綰撰大理司直張從申書師乾字修然

瑯琊臨沂人官至諫議大夫廬循道三州刺史碑以大曆十

三年立在句容縣

寶刻叢編

吳季子墓十字碑

篆書凡十字曰烏乎有吳延陵季子之墓據張從申記以爲

孔子書碑已堙埋玄宗命殷仲容摹榻大曆十四年潤州刺

史蕭定重刻於石

寶刻叢編

贈司徒馬璘新廟碑

禮部郎中程浩撰吏部尚書顏真卿書太子中允翰林待詔

韓秀實分書題額馬璘字仁傑扶風安定人官至四鎮北庭  
涇原節度使贈司徒諡曰武碑以大曆十四年七月立

寶刻叢編

### 張敬因碑

顏真卿撰并書敬因南陽西鄂人子巨濟爲淮西節度使追  
贈敬因和州刺史碑以大曆十四年立此碑埋沒已久慶曆  
初縣民耕出之遠近聞者爭往摹搨村民厭苦其擾遂擊碎  
之今在者數段耳人猶模之故其文不完真卿官爵及立碑

年月則在亡矣

寶刻叢編

### 景陽井欄記

潤州上元主簿張著撰無書人名氏并刻石年月

寶刻叢編按唐有

右衛兵曹張著大曆間人見顏真卿杼山記當卽其人

夔州都督府長史顏勤禮碑

勤禮曾孫魯郡公眞卿撰并書其先爲瑯琊临沂人顯慶中  
終於夔州都督府長史碑內立石年月皆亡  
寶刻叢編案  
集古錄大曆十  
四年  
立

容州都督元結碑

湖州刺史顏眞卿撰并書結字次山官至容州都督本管經  
略使碑以大曆中立在魯山縣  
寶刻叢編

縣令盧國建遷碑記

建中元年丹陽令盧國立在季子廟  
寶刻叢編

顏惟貞家廟碑

吏部尚書顏眞卿撰并書集賢院學士李陽冰篆額眞卿自

敘家世銘於其父薛王友惟貞之碑以建中元年七月立

寶刻

叢編

### 三藏和尚不空碑

御史大夫嚴郢撰彭王傅徐浩書不空西域人居長安興善寺自元宗以來謂之灌頂國師特加開府儀同三司肅國公賜號大廣智三藏追贈司空加號大辯正廣智三藏和尚碑

以建中二年十一月立

寶刻叢編

### 復鄆縣記

中書舍人于邵撰祠部員外郎侍御史張皞八分書并篆額代宗之初吐蕃數寇京輔使李抱玉屯兵備之其裨將何德願以陳鄭兵屯鄆縣長史寄寓佛寺德宗卽位詔德願移屯

鳳翔復鄆縣如故碑以建中二年立

寶刻叢編

### 刺史王密德政碑

浙東觀察判官李舟撰太子少師顏真卿書國子監丞李陽冰篆額王公名密德宗時自明州移爲湖州刺史州人潘瀾阮原作津等請立遺愛碑以建中二年十月立并勅書同刻

勅徐浩所書也

寶刻叢編

### 贈太尉杜鴻漸碑

中書侍郎平章事元載撰門下侍郎平章事王縉書鴻漸京兆杜陵人位至門下侍郎平章事封衛國公贈太尉卒諡文獻碑以代宗初立不著年月

寶刻叢編按鴻漸卒於大曆四年

### 元魯山墓碣

監察御史李華撰太子太師顏真卿書集賢院學士李陽冰篆額魯山名德秀字紫芝河南人嘗爲魯山令碑以建中四

年立

寶刻叢編

海濤志

海濤志

濤

日時濤期朔望體象春秋仲月漲濤解凡六

篇唐竇叔蒙撰其說以月朏朧候濤汐之進退并竇氏濤日

時疏一篇越州刺史孟簡撰皆陶愔書朱巨川題額不著刻

石年月

寶刻叢編

在温州

輿地碑目

咸宜公主碑

鄜坊節度掌書武元衡撰蘇州常熟令袁中孚書將作少監集賢院學士李陽冰篆額公主元宗之第十八女降祕書監



崔嵩碑以興元元年立

寶刻叢編

汾陽王廟碑

中書舍人高參撰右威衛倉曹參軍張誼書邠寧節度使韓游瓌請爲子儀立廟於汾州碑以貞元二年七月立

寶刻叢編

韋澳遺愛頌

監察御史鄭士林撰前進士胡證八分書澳字又元京兆杜陵人嘗爲夏縣令此碑縣人所立以貞元二年八月刻

寶刻叢編

縣令鄭播謁孔子廟題名

貞元三年播爲丹陽令題

寶刻叢編

說文字源

義成軍節度使賈耽撰敘前揚府戶曹參軍徐璿書祕書少

監李陽冰重修漢許慎說文字源陽冰從子檢校祠部員外郎騰篆凡五百四十字碑以貞元五年十月立

寶刻叢編

張常洧孝行碑并門閭勅旌表碣贊

貞元五年旌表張常洧門閭勅一道并紀孝行碑前許昌主簿高字撰旌表碣贊句容主簿承瓌撰皆同時刻不著書人名氏常洧字巨川句容人居父喪廬墓過期有芝草生墳上故見旌表

寶刻叢編

茶山詩并詩述

湖州刺史袁高撰前滁州長史徐璿書湖州之顧渚山歲修茶貢高爲刺史感其採製之勤而作是詩其後于頔爲刺史得之於壤垣爲之敘而刻之貞元七年立

寶刻叢編

賀蘭夫人墓志

兵部尙書陸贄撰據碑前書姪曾孫贄其下字缺不完疑是贄所書也夫人河南人祕書監陸齊望之妻封滎陽縣君碑

以貞元七年立

寶刻叢編兩引一在

按輿地碑目州一在

潁州別駕王初墓誌

河南主簿馬幼昌撰通王府諮議陰冬曦書初字泰初新豐

人官至潁州別駕碑以貞元八年立

寶刻叢編

甘棠館題名

唐人題名始終貞元大中之間有司勳員外郎辟存誠至東

都留守韋夏卿凡數十人

寶刻叢編

辨正禪師塔銘

太僕少卿鄭叔規撰汜水令徐峴書并篆額禪師名崇一姓  
任氏濟源人元宗時詔舉天下高僧四十九人分主諸寺禪  
師居東郡按當是都天宮寺後移居善興寺代宗親書院額曰寶  
法嚴持院德宗時賜諡辨正碑以貞元十年立在龍門縣寶刻

叢編

軒轅鑄鼎原銘

虢州刺史王顏撰華州刺史袁滋籀書鑄鼎原者軒轅皇帝  
鑄鼎之所碑以貞元十一年正月立寶刻叢編

濟瀆廟祭器銘

濟源令張洪撰八分書不著名氏濟源有北海祠壇故四時  
祠祀必取祭器於河南沈幣雙舫亦以沁河渡口船爲之往

返勞弊是時大風拔木洪因取以爲祭器雙舫及雜用之物

碑以貞元十三年立

寶刻叢編

僧道源發願文

前恆冀等州觀察判官王洽撰試金吾

缺一字

曹參軍王承規

集王羲之書并篆額道源恆州開元寺僧也常發願禮大佛  
名及誦藏經成德軍步軍使王士良等爲刻此碑貞元十四  
年正月立

寶刻叢編

修昆明池堰記

京兆尹韓皋撰京兆府法曹參軍徐瑱書德宗貞元十三年

詔除昆明池稅許民漁釣以京兆尹韓皋爲使截交河立堰

引灋水注之於池復漢故迹以貞元十四年刻此銘

寶刻叢編

⑤宗賜李鍊師詩詔

道士任良友書鍊師名含光號⑤靖先生⑤宗所賜詩凡三首詔勅十道鍊師所上表并答詔十五件貞元十四年道士包無際等刻石在茅山

寶刻叢編

董晉碑

中書舍人權德輿撰皇太子侍書殿中丞王丕書晉字渾成河東虞鄉人官至宣武軍節度使碑以貞元十五年立

寶刻叢編

重立王粲石井欄記

上元二年來填移石欄於州治立石作記貞元十七年于頔爲節度使又爲之記掌書記胡證八分書後又題記頔進封燕公隨軍屈賁書是年六月立

寶刻叢編

關將軍祠堂記

董佺撰張儋書以貞元十八年立

輿地碑目

復陽武縣記

唐衢撰鄭乃中八分書據記縣圯毀二十五年官吏寓於佛寺貞元己卯歲縣令陶鎰修復之後令李倫以貞元十九年

立此碑

寶刻叢編

總悟上人鍾山林下集敘

處士石洪撰敘桂府觀察判官張譚諸暨尉盧建上元尉盧少連詩共三詩皆洪書爲鍾山僧總悟所作也以貞元二十

年十二月立

寶刻叢編

楚金禪師碑

紫閣山草堂寺沙門飛錫撰中書舍人翰林學士吳通微書  
楚金姓程氏長安僧也天寶中建多寶塔於千福寺元宗夢  
聞其事而異之德宗時中人竇文場言楚金其師也爲請諡  
乃諡曰大圓碑以貞元二十一年七月立

寶刻  
叢編

### 會稽山神祠堂碣

試左衛兵曹參軍羊士諤撰太子正字韓杼材書韓芳明篆  
額唐封南鎮會稽山神爲永興公貞元閒奉詔禱祠作此銘

無刻石年月

寶刻  
叢編


### 贈越州都督符元亮碑

不著書撰人名氏其字畫則柳公權書也元亮其字也闕其  
名官至左神策軍將軍贈越州都督碑以貞元中立

寶刻  
叢編



集古錄目卷八



集古錄目卷九

宋廬陵歐陽棐撰

賜進士出身翰林院編修 國史館纂修江陰繆荃孫校輯

唐

寶華寺碑

殿中侍御史鄒儒立撰蘇州刺史于頔書祕書監陸齊望有  
女爲尼曰法興齊望捨宅爲寺以居之子渭等以永貞二年  
正月造寺始成立此碑

寶刻叢編

在蘇州嘉興縣

輿地碑目

禱聰明山記

洛州刺史盧頊撰不著書人名氏昭義軍節度使盧從史禱  
於聰明山祠作此記從吏并其官屬題名於後以元和二年

七月立

寶刻叢編

乘廣禪師碑

劉禹錫撰并書劉申錫篆額碑以元和二年立在袁州

輿地碑目

武侯碑陰記

崔備撰元和二年武元衡刻及其僚屬題名於武侯廟中碑

陰

輿地碑目

復黃陂記

前鄉貢進士侯喜撰不著書人名氏汝州有三十六陂黃陂爲最大自隋始築至唐開元中數復廢決貞元十八年刺史

盧虔築而復之碑以元和三年立

寶刻叢編

二聖金剛碑

瞿參撰並分書開元中有史清者過洞庭遇風將溺潛禱之

見二神移其舟於沙上而免由是往來行旅皆禱祀之以元

和三年立

輿地碑目

### 韓文公題名

都官員外郎韓愈元和四年題在濟源

寶刻叢編錄云退之題名有二

案集古

皆在洛陽一在嵩山天封宮石柱上一在福先寺塔下

### 京河水門記

祕書省校書郎直史館韋處厚撰處士唐衢八分書鄭州刺

史李少和引京水注於管城之北爲石門以節其出入元和

五年正月立此碑

寶刻叢編

### 謁北嶽廟碑

元和五年河東節度使范希朝討鎮州過北嶽廟題記

寶刻叢編

杜佑郊居記

太常卿權德輿撰正書不著名氏元和五年八月立

寶刻叢編

王處士引水記

大理卿武少儀撰與郊居記皆一體書無書人名氏杜佑有

池泉在長安杜曲處士王易簡爲佑鑿石引泉爲瀑水碑以

元和五年立

寶刻叢編

神女廟詩

荆南節度判官敬騫撰試左金吾衛兵曹參軍沈幼真書元

和五年十二月刻在巫山縣

寶刻叢編

又

夔州刺史邱玄素詩一首無刻石年月

寶刻叢編

晉衛伯玉遺愛碑

伯玉裔孫唐陝虢觀察使次山撰河中節度使張弘景書伯玉河東安邑人晉惠帝初以太保錄尚書事爲楚王瑋所殺碑以元和六年立在安邑縣

寶刻叢編

陽公舊隱碣

刑部郎中胡證撰夏縣令黎煇書縣人李靈省篆額陽公佚其名證其門人也無所立年月在夏縣

寶刻叢編案訪碑錄元和六年立

昭懿公主碑

諫議大夫孟簡撰權知吏部郎中皇甫鏞書公主代宗之女諱昇平字昇平下嫁左散騎常侍郭曖號昇平大長公主追贈號國諡曰昭懿碑以元和六年立

寶刻叢編

房琯碑陰記

石洪撰兵部郎中鄭權書房琯有遺愛碑在濟源元和六年琯從祖子式以河南尹奉詔祠濟源洪等刻此記於碑陰

寶刻

叢編

英州南巖亭記并到難篇

李蕃撰不著書人名氏真陽縣南山巖上有石室縣令侯著

因之以立亭故以爲名河南府

下缺寶刻叢編

又

周夔又作到難一篇同刻李蕃書元和六年立在真陽縣

輿地

碑目

睦州大廳記



凡二本其一元和七年李道古撰

輿地碑目

杜佑賓佐記

司徒平章事杜佑撰不著書人名氏所記前後賓佐其首曰  
今相國中書侍郎趙國公者李吉甫也其餘凡八十餘人碑

以元和七年立

寶刻叢編

冠軍將軍烏承玼碑

左散騎常侍河南尹許孟容撰魏博節度副使胡證八分書  
并篆額承玼字德潤張掖人官至右領軍使冠軍將軍此碑  
不完纔有其半不見所立年月

寶刻叢編

魏博節度使田弘正家廟碑

比部郎中史館修撰韓愈撰諫議大夫胡證八分書并篆額

憲宗時魏博節度使田弘正始以六州歸於朝廷詔追贈其  
父母立廟祭三世而勅愈爲之記碑以元和八年十一月立

寶刻  
叢編

### 樊成公澤遺愛頌

中書舍人平章事李絳撰太子少保鄭餘慶書襄州刺史山  
南東道節度使袁滋篆額滋以憲宗時鎮山南言故貞元中  
節度使樊澤在州有善政請立遺愛碑絳奉勅撰澤字安時  
南陽人終於荆南節度使諡曰成碑以元和八年十二月立

寶刻  
叢編

### 濟祠亭記并詩

濟源有三淵當祠下俗謂之海前令房琯立亭於北海上以

爲祠神之所元和九年縣令李朝陽廣其制度作記并詩記  
朝陽之子蟠撰詩朝陽撰裴潏書鄭冠篆額

寶刻叢編

### 修下泊宮記

浙西觀察判官王師簡撰道士任參<sub>玄</sub>書下泊故茅君宅也  
在三茅山下元和中浙西觀察使薛苹修以爲宮并立三茅  
君像以元和九年立此碑

輿地碑目寶刻叢編

### 禹廟詩

浙東觀察使越州刺史薛苹詩不著書人名氏苹初至鎮易  
禹廟金紫服以冠冕後因祈雨作此詩其和者鹽鐵轉運使

崔述等凡十七首

寶刻叢編

### 胥山銘

杭州刺史盧

金石錄作孟

元輔撰錢塘令王通書山有伍子胥廟

故以爲名碑以元和十年十一月立

寶刻叢編

在杭州

輿地碑目

### 果業寺開洞谷記

元傑撰不著書人名氏溧陽縣果業寺之東有石洞谷嘗有方士學道於其中其石座丹竈猶存歲久荒廢無復有迹傑與寺僧智捷復開其路以元和十一年立此記

輿地碑目寶刻叢編

### 于頔先廟記

禮部尚書同中書門下平章事權德輿撰兵部侍郎歸登八分書并篆額元和中頔位至司空平章事以品得立廟祠其高祖郇令威德以下爲四室碑以元和十一年立

寶刻叢編

### 遊善權寺詩

義興主簿羊士諤士諤門人李飛書碑以元和十三年立

寶刻

叢編

靈巖瀑布記

康仲熊游靈巖瀑布記鄭薰雪霽開講詩元和十三年刻

輿地

碑目

章敬寺百巖大師碑

興元尹山南西道節度使權德輿撰尙書右僕射鄭餘慶書  
太師名懷暉嘗居太行百巖寺因以爲號碑以元和十三年

立

寶刻叢編

南海廣利王神廟碑

袁州刺史韓愈撰循州刺史陳諫書并篆額元和十二年廣

州刺史孔戣重修南海神祠以十五年十月立此碑在南海

廟中

輿地碑目  
寶刻叢編

大顛禪師壁記

大顛名寶通壁記歷敘其所居并退之請大顛三書皆國初

重刻無書人名氏

寶刻  
叢編

羅池神廟碑

吏部侍郎韓愈撰中書舍人沈傅師書柳州刺史柳宗元死

而爲神州人立廟於羅池碑以長慶元年正月立

寶刻  
叢編

黃陵廟碑

韓愈撰沈傅師書長慶元年立

輿地  
碑目

濟祠西海新亭記

房琯立亭於北海上李朝陽爲之記而西海之地故爲民家  
所有縣令王源迴取之以立亭又作西海新亭記鳳翔節度  
使推官侯雲章撰記濟源令章案類編作韋行質書鄭冠篆額碑  
以長慶二年立寶刻叢編

資福院記

李德裕撰長慶二年立輿地碑目

少府監胡珣碑

湖州刺史韓愈撰左金吾衛大將軍胡證八分書并篆額珣  
字潤溥貝州宗城人官至少府監碑以長慶三年四月立在

蒲城縣

寶刻叢編

崔能碑

兵部侍郎李宗閔撰能弟檢校吏部尚書判東都尚書省從書戶部尚書胡證篆額能字子才清河東武城人官至嶺南節度觀察使贈禮部尚書碑以長慶三年立

輿地碑目  
寶刻叢編

崔玄亮游茅山題記

刑部尚書崔玄亮長慶三年游山題記在茅山

寶刻叢編

山南節度韋綬碑

中書侍郎平章事牛僧孺撰給事中于

原作于據類編正

敖書綬字

子章京兆人官至山南西道節度使碑以長慶三年立

寶刻叢編

中書令張曲江碑

廣州刺史嶺南節度使徐浩撰并書曲江名九齡字子壽一字博物韶州曲江人開元中官至中書令罷爲尚書右丞相



貶荊州長史諡曰文獻碑以大曆中書長慶三年刻石

寶刻叢編

### 張九皋碑

工部尚書蕭昕撰九皋孫曹州刺史仲方書九皋范陽人

唐案

書宰相世系表九皋曲江相國九齡弟弟與張氏范陽其祖籍也

官至殿中監碑以長慶三

年立

輿地碑目寶刻叢編

### 江西使院小史記

崔林甫撰陸蔚之書開元二十一年始分江南十七州爲西

道宣州至此凡十八使此碑以長慶三年立

輿地碑目

### 石室題名

端州司馬李紳長慶四年游石室題名

寶刻叢編

### 魏博節度使田布碑

陝州大都督府長史陝虢觀察使庾承宣撰前鄉貢進士呂  
價書布字敦禮官至魏博節度使碑以長慶四年立

寶刻  
叢編

新開隱山六洞記

都防禦判官侍御史內供奉吳武陵撰防禦衙推韓方明八  
分書并篆額李渤游於桂州之西山其溪谷潭洞皆人所未  
嘗至者遂名之曰隱山構亭榭於其上以寶曆元年八月立

此記

寶刻  
叢編

李翱奏田稅表

不著書撰人名氏碑以寶曆元年立

輿地  
碑目

嶺南節度使鄭權碑

陝州都督府長史庾承宣撰萬年令姚向書權字復道滎陽

人官至嶺南節度使碑以寶曆二年立

寶刻叢編

崇文聖祖院記

常州刺史賈餗撰前陳州參軍徐挺古八分書敬宗卽位詔天下求有道之士李德裕爲浙西觀察使以道士周息元薦於朝爲建此院勅賜號崇文聖祖院碑以寶曆二年立在茅

山寶刻叢編

茅山三像記

八分書與崇文聖祖院記一體書李德裕旣建聖祖院并立文皇帝孔子尹喜三像援引傳記事迹作此記以寶曆二

年刻寶刻叢編

三茅山記

不著書撰名氏備記三茅山四面所至地里遠近

寶刻叢編

### 玉藥花唱和詩

潤州刺史李德裕洪州刺史沈傳師贈答玉藥花詩二首皆

傳師書

寶刻叢編

案德裕知潤州

在荊州惠泉寺

輿地碑目

### 辨石鐘山記

李渤撰不著書人名氏彭蠡湖之口有石鐘山酈道元注水經以爲水石相薄爲鐘音因以得名渤游山中見有卧石叩之其鳴如鐘土人曰此石鐘也故爲此記以辨之渤字潛之時隱居白鹿洞稱白鹿先生後官至桂管觀察使大和元年故吏吳文幹刻石在湖口鎮

寶刻叢編

### 司徒烏重脩碑

司徒平章事裴度撰山南東道節度使竇易直書重（附）字保  
君京兆人官至天平橫海等軍節度使司徒平章事碑以大  
和二年四月立寶刻  
叢編

崔羣先廟碑

武昌軍節度使牛僧孺撰起居郎劉寬夫八分書并篆額憲  
宗元和十四年羣方爲中書侍郎平章事詔立廟於京師崇  
業里追贈其父金部郎中禎爲左僕射及其祖懷州刺史朝  
曾祖壽州刺史湛爲三室廟旣成詔以羊豕助奠太常出博  
士佐禮至文宗大和二年八月立此碑寶刻  
叢編

司馬子微溪記

王屋令崔運撰道士張（弘）明書大和三年刻在王屋縣寶刻  
叢編

司馬子微坐忘論

白雲先生撰道士張弘明書大和三年女道士柳凝然趙景  
元刻石并凝然所爲銘同刻後又有篆書曰盧仝高常嚴固  
元和五年凡十字碑在王屋縣寶刻叢編

右補闕陸澹題名

澹官右補闕自稱麋鹿臣篆書大和三年題在茅山寶刻叢編

薛平增修家廟碑

左散騎常侍集賢院學士馮宿撰給事中裴璘書河中節度  
使薛平增修其家廟以大和三年立此碑在夏縣寶刻叢編

令狐楚先廟碑

禮部郎中集賢院學士劉禹錫撰并書大和初楚爲宣武軍

節度使始立家廟於京師通濟里碑以大和三年立

寶刻叢編

章敬寺百巖大師靈塔碑

汴州刺史宣武節度副大使令狐楚撰吏部尚書鄭絪書大師以元和中詔至京師章敬寺長慶初令狐楚請賜諡及塔名曰宣教碑以大和三年立

寶刻叢編

丞相王播碑

中書侍郎平章事李宗閔撰翰林學士承旨柳公權書播字明敷太原人位至左僕射同平章事贈太尉碑以大和四年

正月立

寶刻叢編

修桐柏宮碑

浙東團練觀察使越州刺史元稹撰并書台州刺史顏頤篆

額宮以景雲中建道士徐靈府等重葺碑以大和四年四月

立輿地碑目  
寶刻叢編

左威衛將軍李藏用碑

禮部侍郎翰林學士王源中撰翰林待詔唐(玄)度篆額(玄)度

弟(玄)享集王羲之書藏用宦者也字師貞隴西成紀人官至

冠軍大將軍左威衛大將軍知內侍省隴西郡開國公碑以

大和四年五月立寶刻  
叢編

李愬碑

中書舍人李紆撰洪州刺史沈傳師書商州防禦隨軍儲或

篆額愬隴西成紀人官至禮部尚書東都留守安祿山叛攻

東都城陷死之追贈太尉諡曰忠懿碑以大(曆)四年立寶刻  
叢編



案李紱爲中書舍人在大曆間沈傳師爲洪州刺史在大  
和初蓋先撰而後書也金石錄謂文宗時立是也此云大曆  
當作大和

太清宮鍾銘

馮宿撰柳公權書大和五年刻在永興

輿地  
碑目

謁華嶽廟詩

費竦撰并書大和六年竦從子琬刻在華嶽廟

寶刻  
叢編

六譯金剛經

右威衛上將軍知內侍省楊承和刪集楊翱撰敘初承和以  
八分書經刻於上都興唐寺文宗詔取其本使待詔唐<sub>玄</sub>度  
集王羲之書翰林學士鄭覃等六人爲贊刻石以大和六年

春立

寶刻  
叢編

昇元劉先生碑

刑部侍郎馮宿撰右司郎中柳公權書翰林待詔唐玄度篆額先生名從政河南緱氏人居東都元真宮敬宗師事之加檢校光祿大夫及昇元先生之號碑以大和七年四月立碑有<sub>二</sub>一在東都一在長安

寶刻叢編

高瑀禪道碑

司徒侍中東都留守裴度撰河南尹鄭澣書瑀字乾亮渤海褚人官至忠武軍節度使贈司空碑以大和八年立

寶刻叢編

法華寺詩

李紳自序云大和甲寅歲游寺刻石詳自序所言似紳自書然以端州題名較之字體殊不類甲寅大和八年立

輿地碑目

又

越州刺史李紳撰徐浩書大和八年刻

寶刻叢編

令長新誠

元宗御製大和九年舞陽縣令李易簡建鄭宗冉書此本無  
元宗勅書而別有勅語乃當時召新除令長賜食於朝堂而  
遣之丁（監）慰勉之言也在舞陽縣

寶刻叢編

賽陽山文

劉端夫禱陽山文凡五首不著書人名氏以大和九年立

輿地

碑目

集古錄目卷九



集古錄目卷十

朱廬陵歐陽棐撰

賜進士出身翰林院編修

國史館纂修江陰繆荃孫校輯

唐

李文饒題名

李德裕題名字爲八分稱丙辰歲題者開成元年也在徐州

輿地  
碑目

柳尊師墓誌

翰林學士諫議大夫柳公權撰并書尊師名處幽河東虞鄉

人公權弟也碑以開成二年立在華原縣

寶刻  
叢編

陰符經敘

刑部尙書鄭澣撰敘翰林學士柳公權書內供奉道士孫文

杲刻以開成二年七月立在西京范雍家經已殘缺所存者

數十字

寶刻叢編

### 照公塔碑

太子少傅分司東都白居易撰劉禹錫爲祕書監分司東都時書照公名神照姓張氏蜀州青城人居東都奉國寺碑以

開成三年立

寶刻叢編

### 山南西道新修驛路記

劉禹錫撰柳公權書李陽冰篆號三絕碑開成中山南節度使歸融自散關南至劍門達石山棧道千餘里以通驛路碑

不著所立年月在興元

輿地碑目

### 溜王傅元錫碑

中書侍郎平章事李宗閔撰翰林學士承旨工部侍郎柳公權書錫字君貺河南人代王什翼犍十四世孫官至淄王傅贈尚書右僕射碑以開成四年七月立

寶刻叢編

重模千祿字書

開成四年湖州刺史楊漢公以舊本譌缺重模刻石并爲記附於碑後今其本比顏魯公所刻差完可以備用

寶刻叢編

贈兵部尚書李有裕碑

中書舍人李景讓撰工部侍郎知制誥柳公權書有裕字綽夫幽州北平人官至衛尉卿碑以開成四年立

寶刻叢編

河進滔德政碑

翰林承旨兼侍書工部侍郎柳公權撰并書翰林待詔梁王

府司馬唐玄度篆額進沿爲魏博節度使文宗詔公權等爲

撰德政碑以開成五年正月立有碑樓尙存

寶刻叢編案金石錄云在今

河北都轉運使公廨園中

### 修秦文公廟碑

前夏州等節度掌書記李伉撰并書篆額坊州之南有秦故  
廊時祠秦文公夢龍自天而下屬於地立祠以時之世久相  
傳謂之衙龍神刺史崔駢改其廟像以爲文公祠開成五年

立此碑

寶刻叢編

### 平泉草木記并山居詩

李德裕撰平泉者德裕山居之所也其中多置四方奇草異  
木名花怪石因總爲之記其在平原及厯守宜春金陵至於



爲相有平泉詩凡六十七首同以刻石皆隸書又有臨池榻  
記凡數十字篆書皆不著名氏

寶刻叢編

龍蓋寺碑

徐元弼撰王辭書碑以開成五年立在復州

輿地碑目

桃源山界記

狄中立撰徐元書并篆額開成五年立

輿地碑目

唐⑤度十體書

翰林待詔沔王友唐⑤度書凡古文大篆八分小篆飛白倒  
薤散隸懸針鳥書垂露十體并各敘其所起刻石有二一在  
故相宋公家一在太常少卿李丕緒家同出一本而傳摹小

異寶刻叢編

紫極宮碑

樂聞撰賈島書樂彥融篆額卽⑤元皇帝祠也樂又重修碑

以會昌元年立在普州

輿地碑目

王粲石井欄別記

會昌二年節度使盧鈞復理粲舊井別作新石欄而記之前

武功尉李掖書在襄陽縣

寶刻叢編

左神策軍紀聖德碑

翰林學士承旨崔鉉撰散騎常侍集賢殿學士柳公權書集  
賢直院徐方平篆額武宗常幸神策軍勞策軍士兼統三軍  
上將軍仇士良請爲碑以紀聖德鉉等奉勅書撰碑以會昌

三年立

寶刻叢編

李德裕遙傷孫尊師詩

李德裕遙傷孫尊師詩三首寄題黃先生舊館詩一首附試  
祕書省校書郎裴大質八分書德裕時爲司空平章事以會

昌三年刻在茅山

寶刻叢編

侍巖記

李方元撰李宗書會昌四年刻

輿地碑目

夔州都督府記

夔州刺史李貽孫撰繆師愈書其記州之城壘祠宇古迹甚

備碑以會昌五年十二月立

寶刻叢編

會昌投龍文

武宗會昌五年內出修金籙齋詞一告瀟口雲臺等詔詞一

帝自稱承道繼玄昭明三光弟子南嶽炎上真人其詞皆劍南節度衙推趙圓書不著所刻年月寶刻叢編

### 大孤山賦

李德裕撰周墀篆書會昌五年刻李德裕有記同刻在廬山

東林寺

輿地碑目

### 杜牧題名

牧爲池州刺史立在史洞之名而題之張祐書會昌五年刻

在池州

輿地碑目

### 題玄宗御書記

張說題玄宗所書碑御製字并年月記及模勒刻字人姓名

說所題者大惠禪師塔碑也

輿地碑目

重換司空廟殿記

據碑司空漢光武時人二十三世孫唐杭州臨安令有則易其廟之故殿立此碑從孫重厚撰族人文察書而皆不著姓當光武時爲司空者非一人而有則於唐亦不顯不知其爲何人也有則自稱宗長又有宗副都枝長宗正宗錄都孔目廟祝衡陽侍郎等諸枝長孔目及職司題名者數十人皆其族人也碑以會昌六年八月立在溧陽縣

寶刻叢編

李石碑

東都留守李德裕撰工部侍郎柳公權書碑文殘缺名字皆不可見考其世系事迹知爲李石碑也石字中玉宗室宰相

封涼國公碑以大中初年立在河陰縣

寶刻叢編案金石錄作會昌六年八月

立

商於驛路碑

翰林學士承旨韋宗撰太子賓客柳公權書祕書省校書李  
商隱篆額商州刺史呂公

碑不著名

移建州之新驛碑以大中元

年正月立

寶刻叢編

贈太師王起碑

戶部尚書平章事李回撰太子少師柳公權書并篆額起字  
舉之太原人官至山南西道節度使同中書門下平章事贈  
太師碑以大中元年四月立在三原縣

寶刻叢編

贈太尉牛僧孺碑

河陽三城節度使李珣撰右散騎常侍柳公權書并篆額僧

孺字思黯隴西狄道人歷相穆敬文三宗武宗朝自山南東  
道節度使貶爲循州長史宣宗初終於太子少師分司東都  
碑以大中二年十月立

寶刻  
叢編

張仁憲神道碑

幽州節度掌書記李儉撰幽州節度參軍蔡陵八分書并篆  
額仁憲字仁憲官至太子中允其孫仲武爲盧龍節度使追  
贈仁憲爲工部尙書碑以大中二年立在文安縣

寶刻  
叢編

新興寺碑

歙州刺史盧肇撰并書越州刺史楊巖篆額新興寺在宣州  
宣宗大和中初悉復武宗所毀佛寺刺史裴休修之而立此

碑以大中二年立

寶刻  
叢編

寓居石表記

陝府芮城尉馮禮輿書隋大業中高祖寓居芮城之至德鄉

大中三年縣令高元謩立此碑在南陽縣

輿地碑目

吳大帝廟階記

河陽三城節度團練衙推石湘撰不著書人名氏永<sub>(益)</sub>主簿

周知素重修大帝廟階以大中六年立此記

寶刻叢編

嶺南節度韋正貫碑

翰林學士中書舍人蕭鄴撰左散騎常侍柳公權書正貫字

公理京兆杜陵人官至嶺南節度使碑以大中六年立

寶刻叢編

內常侍康約言碑

左散騎常侍柳公權撰并書約言宦者也字寡辭貝州人官



至河東監軍使內侍省內謁者監贈內常侍碑以大中七年

二月立

寶刻叢編

陳司徒告身并捨宅造寺疏敘

隋大業十一年司徒陳杲仁爲朝請大夫告身并杲仁妻軫

靜緣捨宅造寺疏同刻皆無書人名氏捨宅疏稱明政二年

者李子通年號也

寶刻叢編案金石錄云俞珣述并書大中八年五月立

睿宗賜白雲先生書

賜白雲先生勅三元宗勅并送別詩各一陽臺宮畫壁奏狀

并答勅乾元元年禁山廟採樵勅三大中八年王屋主簿韓

抗書以刻石

寶刻叢編

寶稱大律師塔碑

秘書丞史館修撰劉軻撰江州司戶參軍陳去疾書前振武  
軍節度參謀李庭彥篆額律師江南講僧也名智滿陶靖節  
之九世孫始出家於寶稱寺故以爲號碑以開成四年立大  
中八年重建在廬山

寶刻  
叢編

### 元魯山琴臺記

汝州魯山令宋整撰不著書人名氏琴臺者故縣令元德秀  
之所立整葺其頽毀以大中八年正月立此記在魯山縣

寶刻

叢  
編

### 崔從碑

翰林學士蔣伸撰權知太子少傅柳公權書從字子義清河  
東武城人官至淮南節度副大使贈司空諡曰貞碑以大中

八年立

寶刻叢編

圭峯定慧禪師傳法碑

中書侍郎兼戶部尚書平章事裴休撰并書工部尚書柳公權篆額禪師姓何氏名宗密果州西充人居圭峯山宣宗追贈曰定慧碑以大中九年正月立

寶刻叢編

五夫人堂記

邠<sub>寧</sub>節度使畢誠撰不著書人名氏據記郭令公五夫人堂以大曆五年立然不知所謂五夫人者爲何神也大中九年

刻此記

寶刻叢編

鹽宗神祠記

太子右庶子支度安邑解縣兩池榷鹽使錢義方撰試左武

衛兵曹參軍盛濤八分書鹽池神祠故名鹽宗其後又有靈  
慶祠而主吏不復親祠鹽宗祠宇隳廢義方重營葺之此記  
以大中十年立

寶刻叢編

閩遷新社記

攝館驛巡官前進士濮陽亡撰八分書不著名氏福州刺史  
楊君碑不著名按集古錄以爲名發改立新社稷風雨壇遂記其壇壝室宇  
之制碑以大中十一年十一月立

輿地碑目寶刻叢編

復東林寺碑

湖南觀察使潭州刺史崔黯撰散騎常侍柳公權書寺在江  
州先被廢至宣宗時復立碑以大中十一年四月立在廬山

東林寺

輿地碑目寶刻叢編

勸農勅

不著書人名氏唐宣帝時濠州刺史侯固奏言其州以桑爲  
稅民患伐去之固勸使栽植請除其稅敕使依其所請并李  
宮請立石狀同以大中十一年今存

輿地  
碑目

杜佑莊居記

司徒平章事杜佑撰佑孫愉書初佑有莊於杜曲處士王易  
簡爲之營治以元和七年作此記大中十一年愉重書而刻

之

寶刻  
叢編

福先寺題名

河陽三城節度使韋澳大中十二年題

寶刻  
叢編

崇聖寺佛牙寶塔碑

忠武軍節度判官監察御史內供奉孫朴撰檢校太子賓客  
濮王府司馬王君平書據碑高宗儀鳳中始建崇聖寺於京  
師武宗廢佛法寺亦被毀宣宗初復以太平坊之溫國寺爲  
崇聖寺崇聖舊寺所藏佛牙者顯慶中沙門道宣得之於神  
人至此建塔以奉之碑無所立年月

寶刻  
叢編

### 戒珠寺記

衢州刺史趙璘撰貝靈該八分書寺以會昌中被廢宣宗時  
復建碑以咸通元年正月立

輿地碑目  
寶刻叢編

### 磻溪廟碑并詩二

監察御史張翔撰并後敘右驍衛將軍兼侍御史高駢書磻  
溪詩二首其一京兆府渭南尉鄭誠撰其一前進士潘緯撰

皆駢書初翔以大曆中作銘駢以咸通二年刻

寶刻叢編

贈太尉白敏中碑

中書侍郎平章事畢誠撰中書舍人王鐸書敏中字用晦太

原人愿相宣宗懿宗以太傅致仕贈太尉碑以咸通三年立

在下邳縣

寶刻叢編

尊勝陀羅尼經幢

于僧翰八分書咸通五年譙郡夏穆建

寶刻叢編

僧迦殿記

不著書人名氏殿潘昉等所立并題名數十人碑以咸通七

年立

寶刻叢編

太子太師裴休神道碑

宣武節度副大使鄭處誨撰右散騎常侍韓琮書休字公美  
河東聞喜人官至太子太師碑以咸通八年立

寶刻叢編

華中允墓志

碑石磨滅書撰人及中允名皆亡咸通八年刻

輿地碑目寶刻叢編

沈公夫人馮氏墓志

前天平軍節度副使羅洙撰前左威衛兵曹參軍李昌辭書  
夫人姓馮氏名靖冀州長樂人適吏部侍郎沈傳師以其子  
詢故封至齊國太夫人碑以咸通九年立

寶刻叢編

開講詩

鞏疇爲講老子而作咸通九年楊巖刻石立於九華疇之所

居

輿地碑目



振武節度使高弘碑

河東節度使鄭從讜撰右諫議大夫張鐸書弘字大受渤海

人官至振武麟勝等州節度使碑以咸通十一年立

寶刻叢編

社稷壇記

容管經略推官皮日休撰國子監書學博士裴光遠八分書  
山南東道節度使裴坦新修州之社稷壇以咸通十二年刻

此記

寶刻叢編

孔岑父碑

太子少傅鄭綱撰前大理少卿柳知微書岑父字次翁魯國  
鄒人官至著作佐郎子戡戢皆顯貴贈岑父司空碑以咸通

十二年立在河陰縣

寶刻叢編

陸文學傳

劉冥鴻書陸羽自敘也劉虛白以羽自傳并李陽冰寫真讚

又爲後敘附咸通十五年刻石在復州

輿地碑目

興善寺普照大師碑

給事中張同撰禮部侍郎崔厚書大師名智慧輪姓丁氏京兆杜陵人善西域咒法咸通中賜號徧覺大師所居曰大教注頂院僖宗初諡曰普照大師塔曰彰化碑以乾符四年立

寶刻叢編

新立鎮南將軍劉表廟碑

陵州刺史劉權撰并書表字景昇山陽高平人後漢末爲荊州牧唐僖宗時山南東道節度使劉巨容常夢見之故爲立

廟巨容自稱爲表簡孫碑以廣明二年立

寶刻叢編

碑陰

碑陰劉巨容題記書與廟碑同巨容既立廟因於墓側構水亭爲遊宴之所復記表僚屬蒯越韓嵩等及蜀先主在荊州事迹未有表所作山道口亭銘

寶刻叢編

杜鵑花唱和詩

張潛及嶺南節度使劉崇龜唱和杜鵑花詩二首前監察御

史張巖書乾寧元年刻

寶刻叢編

張龍公廟碑

澶人趙耕撰不著書人名氏龍公名路斯與妻子言已與蓼人鄭祥遠皆龍也吾與之戰令諸子助戰以綃繫鬣爲別祥

遠敗死公與九子皆化爲龍土人爲之立廟潁川刺史王敬堯又增大之碑以乾寧元年立在潁上縣百社村

寶刻叢編

### 東溪亭詩

劍州節度行軍司馬任侗撰敘并詩監軍使程山望等和者

九人無書人名氏及刻石年月

寶刻叢編

### 尊勝陀羅尼經幢

在今潤州寶墨亭中雲陽野夫王奐之書字畫頗爲世所重

故錄之以備廣採

輿地碑目寶刻叢編

### 瘞鶴銘

華陽真逸撰刻於焦山之足常爲江水所沒好事者俟水落時模而傳之往往祇得其數字云鶴壽不知其紀而已惟余

所得六十餘字爲獨多也按潤州圖經云爲王羲之書字亦  
奇特然不類羲之筆法而類顏魯公不知何人書也華陽眞  
逸是顧況道號今不敢遂以爲況者碑無年月不知何時疑  
前後有人同斯號者也

輿地  
碑目

### 觀音寺古篆

無書人名氏凡十字如篆籀其文非字書所有在福州永泰  
縣觀音院後山上如以手指畫石而爲之非人迹也

寶刻  
叢編

又

在福州永福縣觀音院後山下世俗號以爲仙篆人有以道  
家之言者譯之者曰勤道守三一中有不死術亦莫知其是

否今在三巖院

輿地  
碑目

律藏院戒壇記

顏真卿撰并書院壇皆僧知融所立在州之寶應寺

輿地碑目

佛馱舍利碑

李湜撰明乾節書述東林興立本末在東林

輿地碑目

浮槎寺八紀詩

沙門僧皎然撰不著書人名氏凡詩八首不著刻石年在廬

州浮槎山下

輿地碑目

霍公修齋記

不著書人名氏其文但稱滑亳節度使霍公而不著姓題名

附在廬州

輿地碑目

薛苹唱和詩

薛稷詩不著書人名氏崔述等凡十七人

輿地碑目集  
古錄云大和中

周

楊凝式題名并詩

不著年月凝式時爲太子賓客又其一稱歲在癸丑者周廣  
順三年也又有詩二首凝式時爲太子少師按凝式當晉天  
福初爲太子賓客其分司爲少師在漢乾祐中石在洛陽人

家寶刻  
叢編

南唐

天王像記

不著書撰人名氏溧水人許儒造石天王像以昇元六年立

此記

寶刻  
叢編

雙溪院碑

徐鉉撰并篆書碑以保大十三年立

輿地碑目

般若心經

其後八分書題曰左千牛衛兵曹參軍王文秉刻字文秉南

唐人善篆書此經字畫與文秉他所書相類然不知何以但

稱刻字也石在句容人家

寶刻叢編

宋

小篆千文

王文秉篆書建隆二年刻石在茅山

寶刻叢編

紫陽宮石磬銘

張獻撰王文秉篆書建隆二年刻石在句容人家

寶刻叢編



陰符經

皇朝郭忠恕小篆古文八分三體書乾德四年刻

寶刻叢編


睦州大廳記

皇朝將作監丞知桐廬縣刁衍撰自唐顯慶至中和刺史一百一十五人皇朝太平興國中知州事二人題名書皆別體

不著名氏雍熙二年刻

寶刻叢編

集古錄目卷十



宋歐陽文忠公藏金石千卷爲集古錄有跋尾者二百九十  
六篇其子棐撮其大要別爲目錄十卷自序云取其書撰之  
人事迹之始終所立之時世而著之爲一十卷以附於跋尾  
之後陳振孫書錄解題作二十卷孫謙益丁朝佐等重編集  
古錄敘亦言今錄目自爲一書乃二十卷又後敘言集古錄  
旣刻成方得公子叔弼目錄二十卷則南宋改編非棐之舊  
宋藝文志未著於錄似元時已佚矣湖南黃本驥輯出六卷  
刻入叢書余取而讀之蓋僅取材寶刻叢編卽隸釋輿地紀  
勝均未甄錄爰重加搜輯得六百十二首台文忠有跋者一  
百二十七首共得七百三十九首千卷之藏已得三分之二  
惜碑石留於今者十不存一矣嚴鐵橋四錄堂類集有此目

書未見光緒甲申十月江陰繆荃孫識於宣武城南繩匠衙  
衙寓廬之雲自在龕



